



Broj: 06-045-9589/24

Datum: 14.10.2024. godine

Na osnovu člana 70. Zakona o organizaciji organa uprave u F BiH („Sl.novine FBiH“, broj 35/05) a u vezi sa članom 34. stav (2) Zakona o javnim nabavkama („Sl. glasnik BiH“, broj 39/14, 59/22 i 50/24), članom 4., stav (4) Pravilnika o uspostavljanju i radu komisije za nabavke („Sl.glasnik BiH“, broj 103/14 i 49/23), direktor Zavoda za izgradnju Kantona Sarajevo **d o n o s i**

R J E Š E N J E

o imenovanju konkursne komisije za provedbu Konkursa za izradu idejnog rješenja

Član 1.

Ovim rješenjem imenuje se konkursna komisija za provedbu Konkursa za izradu idejnog rješenja za: **“Usluge izrade Idejnog rješenja Centralnog objekta Ministarstva unutrašnjih poslova Kantona Sarajevo sa podzemnom garažom i vanjskim uređenjem u Sarajevu“**. Evidencija pristiglih konkursnih radova predviđena je za **26.11.2024. godine u 16:00 sati u prostorijama Zavoda za izgradnju Kantona Sarajevo, ul. Kaptol br. 3.**

Član 2.

Komisija će djelovati u slijedećem sastavu:

1. **Hasan Ćemalović**, dipl.ing.arh., predsjednik komisije
2. **Prof.dr. Adnan Pašić**, dipl.ing.arh., član
3. **Vedina Babahmetović**, dipl.ing.arh., član
4. **Husejn Dropić dipl.ing.arh.**, član
5. **Mr.ing.arh. Faruk Muharemović**, dipl.ing.arh., član ispred Zavoda za planiranje razvoja Kantona Sarajevo
6. **Nedžad Dedović**, član ispred Ministarstva unutrašnjih poslova Kantona Sarajevo
7. **Azra Kaleta dipl.ing.arh.**, član ispred Zavoda za izgradnju Kantona Sarajevo.

Za sekretara komisije za provedbu predmetne javne nabavke imenuju se **Jasna Begić**, dipl.ing.građ. bez prava glasa, koja će obavljati administrativno-tehničke poslove za potrebe Komisije/žirija tokom izbora najpovoljnijeg konkursnog idejnog rješenja.

Član 3.

Prije početka rada, svaki član komisije, sekretar i stručnjak angažiran izvan ugovornog organa, potpisuje izjavu o nepristranosti i povjerljivosti, te nepostojanju sukoba interesa, u skladu s članom 11. Zakona, odnosno da je upoznat sa odredbama člana 52. Zakona, odnosno da je upoznat sa obavezom da tokom cijelog postupka rada u komisiji je dužan prijaviti mogući sukob interesa i tražiti isključenje iz rada komisije

Član 4.

Zadatak Komisije imenovane ovim Rješenjem je da, u skladu sa odredbama Zakona o javnim nabavkama („Sl. glasnik BiH“, broj 39/14, 59/22 i 50/24) i Pravilnika o uspostavljanju i radu komisije za nabavke („Sl. glasnik BiH“, broj 103/14 i 49/23) u predmetnom postupku izvrši slijedeće zadatke:

- prisustvuje javnom otvaranju ponuda određenom u članu 1. ovog rješenja;
- izvrši otvaranje konkursnih radova/koverti označenih kao „KONKURSNI RAD“;
- izvrši stručno ocjenjivanje idejnih rješenja odnosno konkursnih radova na način da procijeni svaki od radova prema unaprijed definisanim kriterijima iz konkursne dokumentacije a koji se odnose na: arhitektonsku poziciju, ekonomičnost, prostorno-funkcionalno rješenje i urbanističku postavku;
- sačinjava zapisnike na svojim sastancima, koje potpisuju svi prisutni članovi i koji su sastavni dio njenog konačnog izvještaja o radu koji će sadržavati: broj dostavljenih konkursnih rješenja, broj diskvalifikovanih rješenja i razloge za diskvalifikaciju;
- donosi Odluku o izboru jednog ili više najboljih idejnih rješenja konkursa i to u izvještaju o postupku kojeg potpisuju svi članovi i koji se po okončanju evaluacije konkursnih radova dostavlja ugovornom organu na dalje postupanje;

Nakon što Konkursna komisija dostavi izvještaj o postupku zajedno sa Odlukom o izboru najboljeg/najboljih idejnih rješenja, otvaranje koverti sa nazivom „AUTOR“ (u kojima se nalaze zahtjevani kvalifikacioni i identifikacioni dokumenti ponuđača) obaviti će komisija imenovana posebnim rješenjem.

Član 5.

Ukoliko konkursna komisija smatra da dostavljena Idejna rješenja nisu zadovoljila sa stanovišta jednog ili više traženih elemenata konkursa, zadržava pravo da ne dodijeli jednu ili dvije predviđene nagrade, bilo da se radi o prvoj, drugoj ili trećoj nagradi.

Konkursna komisija ima pravo da donese odluku da niti jedno Idejno rješenje od dostavljenih konkursnih radova ne zadovoljava kriterije Konkursa, te u tom slučaju ugovorni organ nije obavezan dodijeliti nagrade.

Član 6.

Po obavljenom poslu iz člana 4. ovog rješenja svim članovima Komisije pripada pravo na novčanu naknadu s tim da članovima imenovanim ispred Zavoda za izgradnju KS, Zavoda za planiranje razvoja KS i Ministarstva unutrašnjih poslova KS pripada pravo na novčanu naknadu u skladu sa članom 6. stav (1) i stav (2) Odluke o načinu obrazovanja i utvrđivanju visine naknade za rad radnih tijela koje obrazuje Vlada Kantona Sarajevo i rukovodioci kantonalnih organa državne službe („Sl. novine KS“, br. 18/20 od 14.05.2020.godine).

Član 7.

Članovima komisije iz člana 2. ovog rješenja pripada pravo na naknadu za rad kako slijedi:

- Predsjednik komisije - 800,00 KM netto
- Članovima komisije - 500,00 KM netto
- Članovima komisije iz Zavoda za izgradnju KS, Zavoda za planiranje razvoja KS i Ministarstva za unutrašnje poslove KS - 300,00 KM netto
- Sekretaru komisije iz Zavoda za izgradnju Kantona Sarajevo -150,00 KM netto.

Član 8.

Troškove novčane naknade kao i poreze i doprinose iz člana 6. ovog rješenja snosni Zavod za izgradnju Kantona Sarajevo sa pozicije 6139 – ugovorene usluge.

Član 9.

Komisija djeluje u ime ugovornog organa i u granicama datog ovlaštenja. Komisija se obavezuje da djeluje od dana donošenja ovog rješenja do okončanja svih poslova vezanih za predmetnu javnu nabavku.

Član 10.

Ovo Rješenje stupa na snagu danom donošenja.

Obrazloženje


Zaključkom Vlade KS br. 02-04-25530-37/24 od 25.04.2024.godine zadužen je Zavod za izgradnju KS za realizaciju kapitalnih projekata Ministarstva unutrašnjih poslova KS odnosno da izvrši pribavljanje investiciono-tehničke dokumentacije za objekat Centralnog objekta Ministarstva u ulici Kolodvorska.

Za realizaciju navedenih aktivnosti Zavod za izgradnju KS obezbijedio je novčana sredstva iz Programa utroška namjenskih sredstava za 2024.godinu te je donio Odluku o pokretanju postupka za "Usluge izrade Idejnog rješenja centralnog objekta Ministarstva unutrašnjih poslova Kantona Sarajevo, sa podzemnom garažom i vanjskim uređenjem u Sarajevu", a putem provođenja Konkursa za izradu idejnog rješenja (br. Odluke 06-45-8236/24 od 30.08.2024.godine) koji je objavljen dana 04.09.2024.godine na web stranici Zavoda za izgradnju Kantona Sarajevo.

Članom 34. stav (2) Zakona o javnim nabavkama BiH propisano je da Konkursnu komisiju imenuje ugovorni organ i da u njen sastav ulaze isključivo fizička lica priznate stručne reputacije kao i da ukoliko se od učesnika konkursa zahtijeva određena profesionalna kvalifikacija, onda većina članova konkursne komisije mora imati istu ili jednako vrijednu kvalifikaciju.

Članom 4., stav (4) Pravilnika o uspostavljanju i radu komisije za nabavke („Sl.glasnik BiH“, broj 103/14 i 49/23) propisano je da Ugovorni organ ili subjekat koji je osnovao komisiju ima pravo kao članove komisije imenovati stručnjake za slučajeve gdje predmet javne nabavke zahtijeva specifično tehničko ili specijalizovano znanje koje inače nije dostupno unutar ugovornog organa, a koji nisu iz reda zaposlenika ugovornog organa. S tim u vezi ugovorni organ ovim rješenjem imenuje komisiju koja posjeduje stručnu i profesionalnu kvalifikaciju u odnosu na predmet javne nabavke.

Shodno navedenom ugovorni organ je odlučio kao u dispozitivu rješenja.



Belma Barlov, dipl.ing.arh.

Dostaviti:

- Imenovanim (8x)
- Sektor za računovodstvo i finansije ZiK-a (1x)
- Sektor za javne nabavke, kadrovske i opće poslove (1x)
- MUP KS (1x)
- direktor Zavoda (1x)
- a/a

